

SCRIPT OF MORNING GOJRI NEWS BULLETIN 12MAY 2025 1015HRS

ما رنینگ گو جری نیوز بلیٹن مو رخہ 12 مئی 2025

یوہ آکا شوانی جموں بے محبوب سلطانی تین خبر سُنو۔

DGMO BRIEFING

بھارتی فوج غا ڈا ریکٹر جنرل فوجی کاروائی یعنی ڈی جیا یام او لیفٹیننٹ جنرل راجیو گھٹا نے کہیو بے جے آپریشن سندھور غے تحت پاکستان تے پاکستان مقبوضہ کشمیر مانہ ۹ دہشت گرد اڈاں ور کی گئی کاروائی مانہ 100 توں متہ دہشت گرد ماریا گیا ہیں پچھلی شام نوی دہلی مانہ زر ع ابلاغ گا نمیا یندہ سنگ گل کرتا مانہ انہاں نے دسیو جے ماریا گیا دہشت گردان مانہ یوصف اظہر عبدالمک روف تے مدثر احمد وی شامل ہیں جہیرا ای سی ۸ سو ۴۱ نانہ اغوا کرن تے پلوامہ حملہ مانہ ملوٹ تھا لیفٹیننٹ جنرل راجیو گھٹا نے دسیو جے آپریشن سندور اک واضع عسکری مقصد سنگ منصوبو تھو جس کو مقصد دہشت گردی گا منصوبو بنان آلا تے ان گا تانچہ نانہ تباہ کرنو تھو انہاں نے مزید دسیو جے بھارت تے پاکستانکا ڈا ریکٹر جنرل فوجی کاروائی نے اج دوپہر 12 بجے گلبات کرنور اتفاق کیو بے تانچے اس سمجھوتہ نانہ طویل مدتی بنایو جاسکے انہاں نے اس گل ور زور پاتا مانہ کہیو جے فوجی عملا گا سربراہ جنرل اوپیندر دیودی تے کسے وی پاکستانی خلاف ورزی کی صورت مانہ جوابی کاروائی واسطے فوجی کمانڈران نانہ پورو اختیار دتو بے کتنا پاکستانی طیاران نانہ تباہ کرن گا اک سوال گا جواب مانہ ڈا ریکٹر جنرل فضائی کاروائی ر مارشل اے کے بھارتی نے کہیو جے آنگا طیاران نانہ سرحد توں اس پاسے داخل ہون توں روکیو گیو تھو تے یقینی طور ور کچھ طیاران نانہ مارستھو بے ر مارشل اے کے بھارتی نت دسیو جے ہدف گو محتاط انتخاب کرگے جہیزو نشانو بھارتی فضائیہ فوج نانہ دتو گیو تھو ان مانہ بہاولپور تے مریدکے گا تربیتی کیمپ تھا ڈی جی ایم او لیفٹیننٹ جنرل راجیو گھٹا نے دسیو جے پاکستانی فوج گا قبضہ لکیر کولے 7 تو 10 مئی بشکار 35 تو 40 فوجی ماریا گیا ہیں ڈا ریکٹر جنرل بحریہ کاروائی و اس ایڈمیرل اے این پرمود نے دسیو جے مہاری بحری فوج شمالی عرب سمندر مانہ مکمل تیاری تے صلاحیت سنگ موثر انداز مانہ تعینات بت تانچے ضرورت بین ور سمندر یا زمین ور بشمول کراچی چنیا واں ہدف نانہ نشانو بنایو جاسکے۔

ARMY BORDER

بھارتی فوج نے دسیو بے جے گزری رات جموں کشمیر تے بینالعوامی سرحد نال لگتا دوجا علاقان مانہ پُر امن رہی بے فوج نے دسیو بے اس دوران کسے وی طرح گا واقعہ کی کوئی وی خبر نہیں لبی بے تے یا رات حالیہ تہاڑاں کی پہلی پُر امن رات گزری بے۔

LG VISIT

لیفٹیننٹ گورنر منوج سنہا نے پچھلے تہاڑے سرکاری طبی کالج جموں گو دورو کرگے پاکستانی گولی باری توں زخمی ہون آلا جموں راجوری تے پونچھ گا بسنیکان گو پتو لایو بے اس دوران انہاں نانہ ڈاکٹران غی ایک ٹیم کی طرفوں زخمیاں کی حالت تے طبی طریقہ کار بارے تفصیلی جانکاری دتی ایل جی موصوف نے ہسپتال انتظامیہ نانہ ہدایت جاری کرتا مانہ کہیو جے بہتر توں بہتر علاج تے طبی دیکھ بھال نانہ یقینی بنایو جے انہاں نے زخمیاں کی جلد صحت یابی کی دعا کی تے ہر ممکن مدد کی یقین دہانی کروائی۔

BUDDHA PURNIMA

اج بدھ پرناما منایو جارہیو بے یوہ تہاڑو نانہ صرف گوتم بدھ گا جنم تہاڑا بارے دسے بلکہ اس تہاڑا انہاں نے مہا بودھی بوٹا گے تھلے آخری سکون وحقیقت وی حاصل کیو تھو یوہ تہارو پوری دنیا مانہ ربن آلا بندو تے بدبست کی طرفوں منایو جے تے نال نال بکھ بکھ ملک بشمول بھارت نیپال بوٹان برما تھائی لینڈ تبت کوریا لاوس منگولیا کمباڈیا سنگا پور انڈونیشیا ویت نام تے شریلنکا گو بڑو تہوار وی بے۔

PREZ GREETINGS

صدر جمہوریہ درویدی مرمو نے تمام شہریاں تے بھگوان بدھا نانہ منن آلا تمام دنیا گا لوکاں نانہ بدھا پرناما گا موقعہ ور مبارک باد دتی بے اپنا اک پیغام مانہ صدر جمہوریہ نے کہیو جے بھگوان بدھ نے محبت

مہربانی سے لڑائی جھگڑاؤں توں باز رہن بارے جہیرو پیغام دتو وہ انسانیت کی پلائی واسطے اک بنیادی اصول ہے انہاں نے کہیو جے بھگوان بدھ گا اصول برابری ہمانگی تے سماجی انصاف ور یقین نانہ مضبوط کرے صدر جمہوریہ نے کہیو ہے جے بھگوان بدھ کی تعلیمات لوکاں نانہ اخلاق ور مینی زندگی گزارن بارے دسے انہاں نے نیک خواہشات گو اظہار کرتا ماتہ لوکاں نانہ کہیو جے وے بھگوان بدھ گا اصولاں نانہ اپنی زندگی ماتہ اپناوے تے اک پُر امن ہم آہنگ ترقی یافتہ قوم بنان ماتہ اپنو کردار ادا کرے تیب صدر جمہوریہ نے وی بدھ پورنما گا موقعور تمام شہریاں نانہ مبارک باد دتی ہے اپنا پیغام ماتہ تیب صدر جمہوریہ نے کہیو جے یوہ مقدس تہاڑو بھگوان بدھ کی پیدائش روشن خیالی حاصل کرن تے آخری سکون گو تہارو ہے انہاں نے کہیو جے بھگوان بدھ گو پیغام عدم تسدد مہربانی تے درمیانو راستو آج گا دور ماتہ پہلاں توں کہیں گناہ متی اہمیت رکھے۔

DC POONCH VISIT

ڈپٹی کمشنر پونچھ وکاس کونڈل نے پچھلے تہاڑے حالیہ گولی باری توں متاثر ہون آلا علاقہاں گو دورو کیو اس دورہ غے دوران ڈپٹی کمشنر نیمحلا قاضی موڑا محلا ڈنگس محلا ساراے ڈسٹرکٹ پولیس لان ضلع کورٹ کمپلیکس جامیہ زیا ال الوم معلا گیتا بھون محلا کمرس محلا ریڈیو سٹیشن گورو دورہ سنگھ سبھا محلا کماخان گو معا یو کیو اس دوران انہاں نے مقامی لوکاں سنگ گل بات کی تے زمینی صورتحال گو جٹ یزو وی لیو انہاں نے متعلقہ حکام نانہ ہدایت جاری کرتا ماتہ کہیو جے اجا یداد گا نقصان گو تفصیلی جٹ یزو لے گے مکمل رپوٹ جلد جمع کراوے اس سلسلہ ماتہ انتظامیہ نے متاثرہ بسنکیاں تے اداراں نانہ بر ممکن مدد کی یقین دہانی وی کروائی۔

NHW RAMBAN

جموں سرینگر قومی شاہراہ 44 نانہ رام بن ضلع گا ماروگ علاقہ ماتہ سڑک ٹوٹن کی وجہ تو بند رکھیو گیو بے مہارا ضلع گا نمائندہ اجے دیپ سنگھ نے دسیو ہے جے شاہراہ ور بحالی گو کم کاج جاری ہے تے لوکاں نانہ صلاح دتی جے بھالی گو کم کاج پورو ہون توڑی وے شاہراہ ور سفر کرن توں گریز کریں۔

SEED SUPPLY

آن آلا فصل گا سیزن واسطے سرحدی علاقہاں ماتہ ویلے سر بیجاں کی فراہمی نانہ یقینی بنان واسطے اک قدم گا طور ور زراعت گا ڈائریکٹر جموں ایس ارویندر سنگھ رین تے پچھلے تہاڑے جموں ضلع گا سرحدی علاقہاں ماتہ موجود بیج گو دامان گو تفصیلی معا یو کیو اس دورہ غے دوران ڈائریکٹر موصوف نے ہر مرکز ماتہ معیاری بیجاں کی دستیابی تے ٹانچاں کی تیاریاں گو جٹ یزو لیو انہاں نے خصوصاً حساس سرحدی علاقہاں ماتہ کسان برادری نانہ بلاڑکاوٹ بیجاں کی فراہمی کی اہمیت ور زور پایو زراعت گا ڈائریکٹر نے کساناں نانہ مزید سہولت فراہم کرن واسطے سرحدی علاقہاں ماتہ بیج گوداماں گے نانہ کھلو رکھن بارے کیو تانجے کساناں نانہ زرعی سامان کی خریداری ماتہ کسے وی قسم کی دقت نانہ پیش آوے۔

NDMA

قدرتی آفات سنگ نمڑن واسطے قومی اتھارٹی نے شہریاں نانہ صلاح دتی ہے جے نامعلوم دھماکہ خیز مواد سنگ ہتھ نہ لاویں اک سماجی میڈیا پوسٹ ماتہ این ڈی ایم اے نے کہیو ہے جے یوہ دھماکہ آلا مواد خطرناک ہوسکے جس کی وجہسنگ لگن غے نال نال جان جان گو وی خطرو ہے انہاں نے مزید کہیو اگر لوکاں نانہ کوئی نا معلوم مواد لبے اپس بارے فوراً مقامی حکام نانہ جانکاری دیں۔
